

دائرة مخصوصه

در سعادتده باب عالی جو ارانده

محل اداره :

مشرط القیم

اخطار :

مسکونه موافق آثار جدیده مع المنوینیه
قبول او انور

درج ایدیه بن آثار اعاده او انور

دیر، فلسفه، علوم، حقوق، ادبیات و سیاسیات و باطلاحه کرم سیاسی و کرم اجتماعی و مدنی احوال و شئونه اسلامیه و بحث ایدر و هفتده بر نشر ازانور.

آبونه بدلی

سنه لکی

التي آیلنی

ممالک عثمانیه ایچون	۸۰	۴۰۰	غروش
روسیه	»	۳۰۵	روبله
سائر ممالک اجنبیه	»	۱۷	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده. نسخه سی ۵۰ پاره در

قیرله دن مقوا بورو ایله کوندریلیر سه سنوی

۲۰ غروش فضله آلنیر

عدد : ۹۱

۲۴ جمادی الاول ۳۲۸ پنجشنبه ۲۰ مایس ۳۲۶

دردنجی جلد

تاریخ اسلامیت

نام مستعارید در قوتور «دوزی» نیک ترکیبیه منبر هم رساله

قارشی رویه

— ۱۸ —

دوقتور دوزی بوفصله شوسوزلریله ختام ویریور :

« بونلرک عقیده لری بوپراتیک قومه موافق کلهجک برصورتده بسیط، معقول وای یاپلش ایدی. اساس اعتباریله حنیفلک عربستانک دخی اوله بیلیردی. فقط بونلک ایچون برعلم حال ثابت، برسلسله مراتب روحانیه، برحکم تشکیلات، دخی مناسک وهرشیدن اول برتصدیق ربانی، یاخود ربانی تلقی اولنان برتصدیق لازم ایدی. »

حنیفلک بونلرک جله سنی ویرمک محمد « ص. ع. » ایچون آیرلش اولان وظیفه عظیمه اولدی. ذانا حد ذاتده کوچ اولان بووظیفه ایکی قات مشکل اولیوردی. چونکه عربلر بر دینه احتیاج حس ایتدکدن باشقه مراسم مذهبییه دن، نظریات مافوق الطبیعییه دن ابالی آشکار ایدی. »

بنابرین بووظیفه یی ایفا ایتک ایچون متین براطمینان قلب، صارصلماز برایمان مقتضی ایدی. »

حنیفلرک عقیده لری فی الواقع بسیط و معقول ایدی. فقط دوزی نیک ادعا ایتدیکی کبی یکی یاپلش بر شی دکل ایدی. بلکه سابقاً افاده اولندیغی اوزره اوزمانلرده بالتحریف افراغ اولندقلری شکل و صورت اعتباریله یهودیت و نصرانیته دن و علی الاطلاق بتپرستلکدن تماماً تبری، دین ابراهیمک حقیقی اعتقاد ایل احکام صحیحیه سنی تحری ایتدکدن عبارت بر مسالک ایدی. شریعت ابراهیمیه نیک واجب الرعایه اولان احکامی ایسه مرور زمانله تحریفات و تبدلاته اوغرا دیله رق اضاعه ایدلمشیدی. طهارت و نظایفته عائد بعض احکام جزئییه سندن باشقه برشی بیلنمیوردی. »

بناءً علیه بالکمز وحدانیت الهیه اعتقادندن عبارت قاله رق دین مستقل عد اولنه جق برماهیقی حائز دکلدی. کافل سعادت عمومیه اوله جق دین و شریعت شکنی آله بیللمه سیچون دوزینک ده اعتراف ایتدیکی وجهله ثابت برعلم حاله، محکم برتشکیلاته لزوم قطعی وار ایدی. انجق ایجاب ایدن اصول و فروعک کافه سنی حاوی مکمل برعلم حال اورتیه قویق توحید اساسی اوزرینه یکیدن بر دین تأسیس دیمک اولدیغی ده محتاج ایضاح دکلدر، بو حالده مرسلین کراره مخصوص بولنان بوعلی و مقدس وظیفه نیک رسول اکرم حضرتلرینه آیرلش اولدیغی اعتراف ایدن دوقتورک برارده بصیرت و انصافی، قوانین منطقیهیه دأر ادراک و شعوری بولنسه ایدی رسالت محمدیه تصدیقنده تردد ایتهمه سی لازم کلیردی. چونکه خواص عبادینه بویله برووظیفه جلیله تخصیص ایتک انجق جناب وهاب ذوالجلالک شان ربوبیتی اولدیغی امر آشکاردر. »

« اه اعلم حیث یجعل رسالته »

فقط نور عرفان و ابتصار دن محرومیت سائقه سیله بولزوم و احتیاجی، رسول اکرم افندمز سایه سنده ساحه آرای عالم انسانیت اولان بوتکملات سعادت غایاتی انکاره مجال بوله مادیغی حالده - اعتراف

[ام] بوراده ترکیه [انا] معناسنه اولوب ده ابتدا [آنا] وبعده اولاد وجوده کلدیکی کبی ایلک اول فاتحه و صکره بقیه قرآن وجود بولدیغی ایچون دکلدر - ع. »

بوسوره جلیله نیک اسملرندن بری ده [سورة الکنز] در. بوتسمیه یا سوره کریمه نیک تحت العرش برکتردن نازل اولدیغنه دأر قول نبوییه و یاخود [ام القرآن] تسمیه سنده ذکر اولان اسبابه مبنی در. ینه ام القرآن تسمیه سنده کی اسبابدن ناشی در که بوسوره [اساس] و [کافیه] و [وافی] اسملریله ده تسمیه اولمشدر. بوسوره حمد و شکر ودعا ایله تعلیم مسئلله یی متضمن اولدیغندن کندوسنه [سورة الحمد] و [سورة الشکر] و [سورة الدعاء] و [سورة تعالیم المسئلة] دخی دینور. نمازده قرائتی واجب اولدیغندن [سورة الصلاة] دخی تسمیه اولنور. ذات رسالتیه افندمز بوسوره حقنده « هـی شفاء من کل داء » بیورمش اولملریله [سورة الشفاء] و [شافیه] دخی دینلیدیکی کبی یدی آیت اولوب نمازده قرائتی تکرر ایلدیکنندن [سبع المثانی] دخی تسمیه اولمشدر. »

جمهور صحابه و تابعین عندنده مختاره کوره بوسوره جلیله مکیده در، یعنی مکه مکرمه ده شرف نازل اولمشدر و اتفاق جمهور ایله یدی آیتدر. بعضیلری بوسوره صلا فرض قلندیغی زمان مکده و قبله تحویل اولندیغی وقت مدینه ده نازل اولدیغی جهتله مکیه و مدینه دیمش ایسه ده بوقولک صحتی مجزوم دکلدر - ق ش. »

سورلردن بحث اولندیغی صروده آنلرک مکی و یا مدنی اولدقلری ذکر ایدرلر؛ یا ناسخ و منسوخ بیللمکده بونک فائده سی اولور. فاتحه شریفه ده نه ناسخ و نه منسوخ واردر. نماز ایلک فرض قلندیغی زمان فاتحیه مقرون اولدیغنه اجاع اولوب نماز ایسه ایلک اول شبهه سز مکده فرض اولسنه و برده « ولقد آتیناک سبعاً من المثانی والقرآن العظیم » انظم شریفنده سبع مثانی ایله مراد سوره فاتحه در دیملرینه نظراً فاتحه شریفه مکیده در. فقط امام مجاهد بوکا مخالف قالدی. بعضیلری بوسوره کریمه ایکی کره نازل اولوب نماز فرض قلندیغی زمان مکده و قبله تحویل اولندیغی وقت مدینه ده نزول ایلدیکنی سویلش و بونکله کویا ایکی قولک بیننی جمع ایتک ایسته مش ایسه ده شایان التفات برسوز دکلدر - ع. »

[تصحیح: کچنکی نسخه ده انوار قرآنک ایکسجی ضحیفه سنده] آیات کتابک جله سنده کی مراد الهی یی تنصیص و تعیین ایتمک کبی ذیشان افندمزی مأمور ایتدیکنندن [جله سی نفی صیغه سیله اولدیغی حالده] ایتدیکنندن دیه ترتیب اولندیغندن تصحیح ایدیلور [

برکت زاده اسماعیل مفی.

حقیقتش یناشمیورده « خیفله که بونلرک جمله سنی و یرمک محمد ص.ع. » ایچون آیرلمش بروطفه اولدی « سوزیله تلیسات و تمویهات طرفه صاپیور . کویا رسول اکرم خیفله کی بین الناس تقرراتمش برمسلك متخذ بولمش ده اونی (حاشا) براز تله یوب بوللایوب اسلامیت نامیله عالمه قبول ایتدردی دیمک ایسته یور . حالبوکه اولجده ایما اولندیغی اوزره « خیف » تسمیه اولنان اشخاصک عددی پک محدوددر ، قوجه برعصر ایچنده بونلردن معروف اولانلر انجق یکریمی اوج قدر کیمسه لردر . کندیلرینه اتباع ایدنلرده اقل قیلدر . بوذواتک تراجم احوالی « بلوغ العرب ، فی معرفه احوال العرب » کتابنده مذکوردر . [۱]

علامه افرنج عد اولنان مورخ شهر « سیدیو » نک تدوین ایلدیکی « خلاصه تاریخ العرب » ده کی افادات آتیسه ده بو حقیقتی تأیید ایتمکده در : [۲]

« عربلر نصرانیته میل ایتدیلر ، شهوات جسمانییه انهماکلی حسیه نفس اماریه مخالفه اساسی اوزرینه مؤسس بولنان آداب انجیل مزاجلرینه توافق ایتزدی .

[موسیو سیدیونک بولکلامی نصرانیت حقیقه اعتباریله اولدینی آشکاردر . چونکه اصل دین عیسوی زهدتام التزامیله بالکلیه ملاذ دنیویه ترکئی ، و مخالفله قارشیی بیله تذلل درجه سنده ابراز تواضی آمردر . بوکا دائر برطاقم آیات انجیلیسه واردر که بونلرک هیچ بری بوکون خرسیتانلرجه مرعی و معتبر طوتوله یور]

ایچارنده ورقه بنی نوفل و عثمان بن حریشه و عیید [۳] وزید [۱] کتاب مذکور آلوسی زاده لردن علامه عصر سید محمود شکری افندی حضرتلرینک اوج بویوک جلدی حاوی تألیف بنی نظیر لیدر . قوم نجیب عربک عادات و احوالی ، مأثر قدیقه بدائع ایشتمالی مبین اوله ورق تدوین و بغدادده دارالسلام مطبعه سنده طبع و نشر اولمشدر . استوفوه ولده ، انعقد السنه شرقیه قونفره سنه تقدیم اوله ورق بوتون علمای افرنجک مظهر تصویب و تحسینلری اولمشیدی . کتابک آخرنده قونت کرلودی لندیرج نام مستشرقک کرک اثر مذکورک ، کرک اسلامیتک محاسن بنی غایه سنی متضمن عربی العبارة مکمل بر تقریض بلینی ده واردر .

[۲] موسی الیه میلادک « ۱۸۰۸ » تاریخنده پارسده تولد ایتمشدر . یازدینی تاریخ العربی و وثوق به اولان علمای عرب و افرنجک مؤلفات معتبره سندن تمام یکریمی سنه تدقیقات اجراسیله جمع و تدوین ایتمش ، موخرأ اکابر وزرای مصریه دن علی پاشا مبارک مرحومک همتیه لسان عربییه نقل و رجرت نبویه نک « ۱۳۰۹ » سنه سنده مصرده طبع اولمشدر . کتاب مذکور غایت مهذب و بی طرفانه اولغله شایان مطالعه در . کجالات محمدیه و مأثر فادره عربیه بی براهین واضح ایله اثبات ایتمکده اولسیله طوائف افرنجک تصحیح افکارینه پک بویوک خدمت ایتمشدر .

[ایلریده مناسبت دوشدکجه اورادنده بعض معلومات نقل ایده جکر] [۳] ابن البرص اسدی که فحول شعرای عربدن اولوب توحید بارییه دائر قصائد بلیغه سی واردر . موما الیه غایت زنده و توانا اوله ورق بر قاج یوز سنه معمر اولمش ، نهایتاً الامر منذر بن امری القیس نام ملک غداره یوم یؤسنده مصادف اولدینی جهنله غایت سودیکی بر ذات اولدینی حاله مظهر عفو و امانی اوله میهرق تیغ غدیرنه گرفتار ایدلشدر . قصه سی پک عجیب اولوب کتب محاضراتده مذکوردر .

بن عمر و [۱] کبی بعض کیمسه لر یهود و نصاریه مخالفه ایله اخذ ایلدکلی معلومات اوزرینه دیانت جاهلییه یی هدم و ابطاله چالشدیلر . حتی مجدداک دعوا سنده بولنه ورق ناسی شریعت خلیلیه تمسکه دعوت ایدنلرده بولندی . فقط بر نتیجه استحصال ایده میوب عاجز قالمیرله بوفکردن واز کچدیلرده یالکز یاقین زمانده بر رسول ذیشان ظهور ایدرک حزب ضلال اوزرینه منصور اوله جغنی بیانه اکتفایه مجبور اولدیلر »

حقیقت حال شو منوال اوزره اولدینی معلوم اولنجه رسول اکرم افندیمر حضرتلرینک خیفله کدن ، ناسک احوال و افکارنجه وجود و عدملری سیان و هیچ بریسیله شایان بحث بر ملاقات نبویه وقوع بولمیان بر قاج خیفک او عصرده کلوب کچمه سندن مستفید بولندیغی ایلری سورمک قدرواهی بر ادعا ، آجیق بر سفسطه اولیه جغنی اصلا شبهه کوتورمز .

برده کویا خیفله کی بر دین مستقل حالنه افراغ ایدن بنی ذیشان حضرتلری اوکا بر سلسله مراتب روحانییه علاوه ایتمش . بو ادعایکده غایت کولنج برشی اولدینی میدانده در . دین مبین اسلامده اولیه عابدایله معبود بیننده وسائط روحانییه اولمادیغنی هرکس بیلدیکی حالده صیت فضلی مترجم بنی وایه جانبندن عیوقه چیقاریلان بر مستشرقک بوندن غافل اولسی شایان حیرتدر .

بونلردن باشقه (دوزی) نک بونقل اولنان افاداتی ایچنده بویوک بر تناقض ده کورلمکده در . بر کره « خیفله کک عربستانه لائق بر دین اوله بیلیمسیچون هرشیدن اول بر تصدیق ربانی یا خود ربانی تاقی اولنان بر تصدیق لازم ایدی » دییور . صوکراده « بو وظیفه یی ایضا ایتک ایچون متین بر اطمینان قلب ، صار صلماز بر ایمان مقتضی ایدی » ادعا سنده بولئیور .

ایشته بویاکی کلام یینی توفیق ایتک قابل دکلدر . چونکه حد ذاتنده ربانی اولیوب ده اولیه تلقی اولنان بر تصدیق ارباب بصیرت

[۱] مومالیه عشره مبشره دن ، محمد الفاروق افندیمرک انشته لری اولان جناب سعیدک پدریدر . مظهر سعادت اخرویه اولسنه دائر احادیث شریفه وارد اولمشدر . جلال دوانی مرحوم نبوتنه قائل اولمش ایسه ده صحیح دکلدر . بعث مبارکه دن اول حضرت رسول اکرم الیه ملاقی اولوب شامده بولندیغی صروده بر راهبک کندیسنه خطاباً « سن دین ابراهیمی آرایورسه ک او بوکون بولماز . کندی بلده که رجوع ایت ، یاقینده سنک قومکدن بر رسول بعث اولنه جق ، شریعت ابراهیمییه احیا ایده جک اودر . و کندیمی اشرف خلافتدر » دیدیکی حکایه ایتمشیدی . نبوت ادعا ایدن ذات بنی تحریسنده بولماز ، بعث احمدیه زمانه یشمه یوب اوندن بش سنه اقدام وفات ایتمش ایسه ده رسول اکرمک حائر رسالت اوله جغنی قبل الوقوع تصدیق ایلش ، حتی بوکا بناء « اصابه » ده بیان اولندیغی اوزره بعض محدثین کندینی اصحاب سلکنده تعداد ایتمشدر .

هر حالده موحد بر ذات اولوب عبادت اصنام علیهنده بولنور و بو آیین باطلدن زجر خصوص سنده خطبه لر ایراد ایدردی ، کعبه دیوارینه استناد ایده رک « ایها الناس ! بنم سوزوی دیکله یکر بوکون بندن باشقه دین ابراهیمه تابع کیمسه قالمشدر . » دیردی . حتی بوندن طولانی خارج مکده اقامته مجبور ایدلش ایدی . شهرده سربست کزیه مزیدی .

وعرفان اولان انسانلر ایچون متین بر اطمینان قلب، صار صلمیه جق بر ایمان صحیح حصوله کتیرمک امکانی یوقدر. ایمان صحیح و اطمینان دائمی انجق برهان قطعی به استناد ایله حاصل اوله بیلیر. اساسی اولیان دلائل فاسده و موهومیه ابقا قلنان ایمان واعتقاد هیچ بروقت پایدار اوله ماز.

دین مبین اسلامی قبول ایدنلرده ایسه بوندن طولانی تزلزله اوغرایانلر، ارتداد عارینی ارتکاب ایدنلر اصلاً بولمادند.

هرشیده ادعای مهارتله اسلامیت حقنده مجازفاته جرئت ایدن بو متصلف، مشهور هرقل رومک حائز بولندی و قوف و درایتک بر ذرمنه بیله مالک بولمادی بوسوزلریله ده نمایان اولمقده در. چونکه هرقل مومی ایله - رساله حمیدیه نک جلد رابعده بخاری شریفدن ترجمه صورتیله بر تفصیل بیان اولسان محورات عارفانه جمله سندن اولمق اوزره - برای تجارت سوریه کیتدکری انشاده حضورینه جلب ایتدردیکی ابوسفیان ایله رفقا سنه خطاباً «وسألتک ایتد احد سخطه لئینه بعد ان یدخل فیه فذکرت ان لا و کذلک الایمان حین یخالط بشاشته [۱] القلوب» دیمش ایدی [۲].

یعنی سکا سوال ایتدمدی که: بوذتک دینه کیردکن صوکران نفرت و کراهتله رجوع و ارتداد ایدنلر اولورمی؟ سن: خیر اولیور، دیدک. ایمان حقیقی ایشته بویله در که - تحقیقه مستند اوله رق - انشراح و صفاسی کوکلرده یر طوتونجه انفسکا کی ممکن اولماز.

برده (دوزی) نک بوتردیدن ایدان ایچنده وحی ربانی به مستند اولان دین صحیح بولمق احتمالی اولدیغنی اعتراف ده مستبان اولمقده در. بوافاده نظرأ وحی ربانینک اساساً ثبوتی مرقومک عندنده ده غیر منکر اولمق لازم کلیر. بونی بوسورتله تسایمه مجبور اولدیغنی حالده

[۱] «بشاست» فی الاصل کولریوزلی اولمق، احبایه نشاطه اقبال ایتک، فرح و سرور اظهار ایلک معنسانه در. «بشاست ایمان» ایمانک قیمتی تقدیر ایله حاصل اولان انشراح صدر و صفای وجدان دیمکدر.

[۲] هرقل تام قصر روم پک عاقل و فاضل بر ذات ائیس. حضرت رسول اکرم افندیمنک نبی آخر زمان اولدیغنی اکلاهیله مالک ایچون احوال سنیله لرینی خصملرنن تحقیق فکرنده بولنش، اولنره غایت مهم بر جوق سؤال لر صورتی که بریسی بوایدی. مؤخرأ ایضاحاته کیریشه رک بوسؤالی بروجه معروض حل ایتدی.

مومی الیهک آشنای حقائق اولسنه دال اولان سوزلرینک بری ده ارتداد وقوعی استعلام صدندنه (سخطه لدینه) قیدینی علاوه ایتسیدر. زیرا مقصد دین اسلامه داخل اولانلرک بصیرت اوزرینه داخل اولوب اولمادق لرینی آکلامق ایدی. حین دخوله بصیرتدن خالی اولمق ایسه انجق صوکرادن احکام اسلامییه بکنمیه رک خروج ایتکله تبیین ایدر. یوقسه عبیده بن حش نام کیمسه نک حبش دیارنده محضا تعشق یوزندن، حظ نفسانی ایچون تنصرا تمسی ویا برجنایت ایشله یوبده دار حربه قدر وقوع بولسی کی بر سبب عارضدن طولانی حادث اولان ارتداد ابتدای دخوله بصیرتسز اولغه دلالت ایتز. چونکه تمایل نفس و تحری خلاص سائقه سیله تبدیل دینه مجبور اولمق اکراهه شیده برحالت اولوب صاحبی هان هان مسلوب الاختیار قیلارده (العیاذ بالله) طریق ضلاله اویله سوق ایدر.

واقعا اکراه حقیقی اولمادی ایچون بواسطرار شرعاً معذرت عد اولماز.

- قوانین منطقیه ایجابجه - بوتون ایدان معروفه نک کزیده سی اولان، کرک اصول و کرک فروع اعتباریله احوال بشریه بی اصلاح و سعادت و سلامت عمومییه تأمین، منتسبانی هر درلو تکملاته، ترقیاته ارشاد و تمکین ایلین دین مبین اسلامک علویت و قدسیتی ده اقرار و اعترافه مجبور اولور. نصل که بیلیمیه رک اعتراف ده ایتسیدر. دقت بیوریلوریا!

فصل اولک خاتمه سی اولان شو عباره باشقه نه به محمول اوله بیلیر؟ «ذاتاً حد ذاتنده کوچ اولان بو وظیفه ایکی قات مشکل اولیوردی. چونکه عربلر بر دینه احتیاج حس ایتدکن بشقه مراسم مذهبییه دن، نظریات مافوق الطبیعه دن ابالری آشکار ایدی. بنابرین بو وظیفه بی ایفا ایتک ایچون متین بر اطمینان قلب و صار صلماز بر ایمان مقتضی ایدی.»

ایمیدی مادامکه بوموسیویکی بر دین تأسیسی، شریعت مجده نشر و تبلیغی حد ذاتنده غایت کوچ اولدیغنی فرق ایدیور و مادامکه دین اسلامک ایلک مخاطب لری بولنان، آرالرنده انتشاری تیسر نمای موفقیت اولان اقوام عربیه نک حسیات دینییه دن محروم، مراسم مذهبییه دن کلیاً بی بهره بولملرینی، عقایات و مغنوبات فکر و ملاحظه سندن عاری اولوب یالکیز امور مادی و طبیعیه ایله اشتغاله حصر مساعی ایتش اولملرینی ده انکاره مجال بوله میور و بویله جاهل و مادی کیمسه لری قبول دیانته سوق ایده بیلجه ک ذاتک متین بر اطمینان قلبه، صار صلمق بیلیمه یین بر ایمانه مالک بولنسی امر ضروری اولدیغنه ده عقلی ایریور. آرتق هانکی حجت و برهان ایله عربلرک نائل هدایت اولملرینک خارق العاده بر مظهریت، برائرعنایت اولمادیغنی اثبات ایتسی قابل اولور؟ یاخود نه به استناداً رسول اکرم افندیمن حضرت تدرینک (حاشا) امر رسالرنده متیقن اولیوب کندیلکنندن بر دین تأسیسنه قیام ایتش اولدق لرینی ادعایه امکان قالیر؟

[فن منطقدن بی خبر اولماسه یدی مترجم بی وایه بویله یکدیگرینه ارتباطی اولیان سوزلری ترجمه دن حیا ایدردی].

تکمیل مقام

مقدمه ده بیان اولندیغنی اوزره فی الحقیقه قبل الاسلام عربلر بویله ایدی. حتی قصورلری یالکیز بوندن ده عبارت دکلدی. اخلاق لری ده غایت بوزولش، هوا پرستانه خویرلر، وحشیانه عادت لری میدان آلمش ایدی. بوتون قبائل جهالت ایچنده مستغرق اوله رق میانه لرنده نفاق و شقاق حکم فرما، غصب و غارت و انواع مفساد دهشتنا ایدی. دیانت صحیحه فکر تحریرسندن خالی اولملریله برابر بتپرستلک کی بر آیین باطل هر طرفه رواج بوله رق قلبلره یرلشمه شیدی. بر طرفندن ده علمای اهل کتاب دسائس نشر ایده رک بیک درلو مشکلات چیقارده رق اذهان عمومییه تشویشدن کیری، طورمازلردی.

بناءً علی ذلک رسول اکرم افندیمن حضرتلری انبیاء نبی اسرائیل «علیهم السلام» ک مرسل بولندق لری - حسیات دینییه ایله قابیلری مالا مال - کیمسه لر امثالی ایله اوغراشمیورلردی، بلکه جدال باطل طرفداری اولان معارضلری اسکات و الزام ایله برابر اورته دن جهل مرکبی قالدیرمغه سعی و همت بیورمقده ایدی. بوا یسه خالی الذهن

و یا منور الفکر اولانلری ارشاد ایتک کی اولیوب عسرت و صعوبتجه اونک قات قات فوقنده در .

بومقوله امتلره عبده اصنام اولان سفهایه مرسل بولنان نوح و هود و صالح و ابراهیم « صلوات الله علیهم » حضراتی کی اکابر انبیانک نه مرتبه تأثیرات حصوله کتیردیکی ، اصلاح احوال بشریه نه درجه یه قدر موفق اوله بیلدکلری ایسه معلومدر .

الحاصل وحی و نبوتک تحققة آگاه اولوبده نتائج مطلوبه سی نه دن عبارت اولدیغنی ملاحظه ایدن ارباب بصیرت انبیای سالفین حضراتنک ثمرات مساعیلری ایله نبی آخر زمان افندیمر حضرتلرینک بیک درلو مشکلاته قارشی مظهر بیوردقلری نتائج عظیمه خوارق کسترانه یی مقایسه و تدقیق ایده جک اولورلرسه همان بالجمله انبیانک موفق اولدقلری نتائج اصلاحکارانه یه افندیمر حضرتلرینک اضعاف مضاعفه سیله یالکیز باشنه موفق اولمش بولملرینه جزماً و یقیناً بالاترود حکم ایدرلر ، رسالت جلیله لری حقنده ایمان واطمینانلری قات قات تضاعف ایدر . بوحقیقت ذره قدر شبهه کوتورمز .

لکن « من لم يجعل الله له نوراً فما له من نور »

مناسرتلی اسماعیل حق



حسب حال

یکن هفته مرحوم جمال الدین افغانی یه دائر بر قاج سوز سوبله مشدم . مقصدم او بویوک آدمه اسناد ایدلک ایسته نیان دینسرلکک پک یا کلش بر توجیه اولدیغنی کوسترمک ایدی . مع التأسف بوسفرده « جمال الدین ملحد دکل ایدی ، فقط وهابی ایدی ! » ادعاسی اورته یه سورولمیه باشلادی .

عجبا بوشایعه یی چیقارانلر بر آدمک آلتنه « وهابی » دامغاسی یابیشدیرمق نه دیمک اولدیغنی بیلورلرمی ؟

وهابیلک بر مذهب مخصوصک اسمی اولمقله برابر عربستانک بر جوق یرلرنده دینسر طانیلان ، یاخود او یله طانیلمق ایسته نیان آدملره ویریلیر بر پایه در . لهده سوبله نن سوزلره ایناعامق ، لکن علیده سوبله نلره در حال ایمان ایتک انسانلرده جبلی بر خصیصه اولدیغنی ایچون مثلاً بن بوکون چیقارده اللهدن قورقمانک عقیده سی پاک بر آدم حقنده « ایدر اما دینسر اولماسه ! » دیرسه م آرزومان صوکره زواللی یی بوتون عشیرت خاقی باشدن ملحد طانیلر ، عجبا بو آدم الحسادی موجب اوله جق نه یامش ، نه سوبله مش دیمه یی خاطرلرینه بیله کتیرمزلر !

مسلمانلرده اک کوچ برشی وارسه اوده بر آدمه دینسر پایه سنی ویرمکدن عبارت اولدیغنی حالده فضلنی ، عرفاتی ، اقبالی ، شهرتی چکه مدیکمز ، یاخود طرز تفکرینی کندی مشربمزه موافق کورمدیکمز ، کیمسه لری بو حسی رتبه ایله نظر دن دوشورمک نه دنسه بزه پک قولای کلیور !

لزوم کفر باشقه ، التزام کفرینه باشقه ایکن ، یوزده طقسان طقوز احتمال طوغرودن طوغروه تکفیرینی ایجاب ایدن بر آدمی یوزده بر احتمال ایله قورتارمق اوزریمزه فرض ایکن بز بالعکس بیکده بر احتمال ضعیف ایله یاقه لادیغمزی دینسر یاپوب چیه یورز ، کربده کی طقوز یوز طقسان طقوز احتمال ایمانی نظره بیله آلمیورز !

عربستانه کیدک ، اک بویوک آدملر وهابی ؛ ترکستانه کلک ، فارماسون ؛ عجمستانه اوغرایک دینسر ، یاخود بابی !

اک غریبی شوراسیدر که بوتون اقطار اسلامیه ده بو عنوان ایله تشهیر ایدیلن آدملرک قسم اعظمی مسلمانانی ، مسلمانلری مدافعه یه وقف حیات ایتمش اولان اکابر امتدر ، فدا کاران ملتدر ! بریابانچی آره مزه کیرسه دیسه که :

— ای جماعت مسلمین ، فلان فلان ذاتلر سزک اک عاقلکیز ، اک عالمکیز ، اک فاضلکیز اولدقدن باشقه ابنای ملتک سعادتنه چالشمش اولمق اعتباریله اک خیر خواهکیز ، اک حمیتلیکیز در . سز بوللری وهاب بیسلکه ، ماسونلقله اتهام ایدیورسکیز یعنی مسلمانلقدن چیقاریورسکیز . دیمک ، سزک دینکیز عقل ایله ، علم ایله ، فضل ایله ، حمیت ایله قابل تألیف اوله مایه جق !

بوسوزده قارشی نه دییه بیله جکیز ؟

بوکون خطه مصریه ده منافع اسلامی مدافعه ایدن نه قدر حمیتلی قلم وارسه هپسی جمال الدینک سایه تربیتده یتشمشدر . جهان توحیده بیکلرجه دست محرر ، بیکلرجه دماغ متفکر اهدا ایدن بر جمال الدین وهابی اوله بیلیرمی ؟

مرحومی نه افغانستانده ، نه هندستانده ، نه آوروپاده ، نه عثمانلی طورراغنده راحت بر اقادیلر ؛ هیچ بر یرده او طور تمادیلر ؛ جمال الدین مسلمانلق عالنده حقیقی ، سرمدی بر انتباه او یاندیرمق ضایه سنه معطوف اولان حمیتده براز امساک ایده ایدی ، بوسبایسته آزا جق فاصله ویره ایدی دنیانک هر یرنده شرافتیه متناسب بر دبده ایچنده یاشایه بیایردی . فقط او قوجه آدم مقصد بلند حمیتی او غورنده ده رک هر درلوشداندینه کوکس کردی ؛ باشقه لرینک بالاضطرار دایانه میه جنی حرمانلره ، خیتلره او کندی اختیار یله قانلاندی . کلاک تعبیری وجهله او بر شهید ذی حیات ایدی :

نه دولتدر شهید ذی حیات اولمق بودنیاده !

جمال الدین حقنده سوبله نن وهابیلک شیخ محمد عبده ایچون ده دریغ ایدلیور . ایکی سنه در صراط مستقیمک صحیفه لرنده مرحومک اثرلرینی کوروب طورویورز . الله ایچون سوبله لم ، هانکی معناسنه آلیرسه آلینسین ، وهابیلکی اوقشار بر جمله سی ، بر مقاله سی کورلیدی ؟ بعضیاری شیخک زهدی علمی نسبتنده دکل ایدی ، دیرلر . اوله بیلیر . لکن عجبا مرحوم بوتون حیاتی اعتکاف ایله ، نوافل ایله کچیره یدی عالم اسلام ایچون دهامفیدی اوله جقدی ؟ موسیوهانوتویه قارشی چیقوبده مغربده کی ملیونلرجه مسلمانک حقوقنی مدافعه ایتک